



Siverth K. Heilmann

UPA 2024/156

Atassut

16. Maj 2024

Nunat Avannarliit Killiit Siunnersuisoqatigiiffiata Islandimi, Kalaallit Nunaanni Savalim-miunilu naalakersuisunut kaammattuutigaa

-Immamik nerisassaasivittut atukkatsinnik nunani avannarlerni killerni nunat suleqatigiil-lutik qanoq illersuisinnaanerannut ataatsimut isiginnilluni pilersaarummik ataatsimoorussa-mik aallartitsinissaq nunani avannarlerni killerni naalakkersuisut siulittaasuisa oqallisigissa-gaat

-pisuussutinik maangaannartitsinissaq pinngitsoortinniarlugu, inuussutissanik pilersuinerup isumannaatsuunissaa qulakkeeriarlugu, mingutsitsineq akiorniarlugu, Issittup sakkussakilli-saaffiguarneqarnissaa aammalu uumasut assigiinngitsut amerlassusiannik imaanilu pissuse-qatigiit ataqatigiinnerannik illersuiniarlutik nunani avannarlerni killerni naalakkersuisut siulittaasui anguniagaqarfiusumik suliaqassasut

-nunani avannarlerni killeni naalakkersuisut siulittaasui Atlantikup avannarpasissuata nu-narsuarmi imartatut piujuartitsinissaik tunngaveqarnerpaatut inisisimalernissaanik nunap immikkoortuiniinnaanngitsoq aammali Issittumi nunanilu tamalaani suliniutiginnillutillu anguniagaqassasut aammalu tamatumani siuttuussasut

(Allartitat siulittaasuat Doris J. Jensen)

Siullermik qulaani qulequtarineqartumut takisuumut aallartitat siulittaasuanniit Doris J. Jensen-ip saqqummiussaanut qujanaq, imatullu Atassummiit naatsumik oqaaseqarfigissavarput.

Nunat Avannarliit Killiit Siunnersuisoqatigiiffiata Island, Kalaallit nunaanni Savalimmiunilu ukior-panni ilaasortaasarsimasutut, aallartitani ilaasortaasunit suleqatigiissutigissallugit siunnerfigisakka-gut aatsaat piviusunngortissinnaavagut, nunani pingasuuusuni tamani politikkikkut tapersiisoqarpat.

Qulequtarineqartoq tunngavilersuutaasorlu, immami pisussutitta uummassusillit tamarluinnaasa illersorniarlugit annertusisamik suleqatigiissuteqarnissarput Atassummiit tunngaviatigut assut taper-sensoratsigu oqaatigeriissavarput.

Pinngortitaq aquassinnaannilarput, taamaattorli pinngortitap annertuumik sunniuteqarluni nunarsuarmi nunami immamilu mingutsitsinerujussuit, uumassusillit amerlaqisut sunnernerluttarpai. Aallartitami suleqatigiinnermilu, mingutsitsinerup minnerpaaffissamiitinnissaa anguniarlugu, akunnitsinni avammullu sakkorttusisamik suaaruteqartuarnissarput Atassummiit pingaartutut isiggaarput.

Nalunngilara nunat ilaani qangaaniilli immap naqqani, soorunami isumannaallisakkanillu eqqaavis-suaqartoq. Ukiulli ingerlanerini eqqaavissuarineqartut ilaatigut ussiillineri pissutaallutik, mingutsitsisoqartartoq, sarfallu ingerlaarnerani, Nunatta kangianut kitaanut siammaassinaanera ernummatigineqartarnikuusoq. Taamaammat neriuutigilluinnarpara, immap naqqani aserfallatsaaliinerit isumannaallisarluarneqassasut.

Mingutsitsinnginnerusunik atuinissarput ukiorpassuarni eqqartortagarp, nuannaarutitta pingaerne-rit ilagaat, Nunatsinni erngup nukinganik nukissiuuteqarnikkut, suli siuariartornerput. Taamaattorli umiarsuit il. il. olie-mik kinertumik ingerlataqartut mingutsitsinnginnerusumik orsussamik atuinissamik siunnerfeqarnerup pimoorunneqarnerunissaa, Atassummiit kaammattutigeq-qiinnarusupparput.

Saqquumiunneqartumut tunngavilersuutaasullu Atassummiit isumaqatigilluinnarpagut, neriuuti-giinnassallugulu nunat sanelerisatsinni suleqatigut pitsaasumik kinguneqarluartumillu tamani oqal-linnerit angusaqarfifulluarumaartut.

Qujanaq.